

Les plus anciens documents linguistiques de la France

Corpus : (chPoit)

Responsable du corpus : -

Édition de la charte : -

chPoit259

Édition critique

1291, 16 mars.

Type de document: Charte: arrentement

Objet: Arrentement à Pierre, dit du Chasteau, de Fontevrault, pour une rente de cent sous, de toutes les choses que possédait l'abbaye de Fontevrault dans la paroisse de Dompierre, et qui étaient autrefois à Aymeri Mauclerc.

Support: Charte autrefois scellée.

Lieu de conservation: Archives Départementales de Maine-et-Loire, 101. H. 55. — Abbaye de Fontevraud.

Transcription de la charte

1 Sachent touz *presenz* e à venir **2** *que* en nostre cort en dreit establi, Pierre dit dou Chasteau, de Fontevraut, *requenut* en dreit ^{\2} que il a pris e retenu greantement por sey e por ses heirs, à mes touz tens *pardurablement*, de religiouses dames, l'abbaesse e le convent ^{\3} de Fontevraut, **3** toutes les chouses *que* eles avoient en la *par* roisse de Dompierre, qui jadis furent Aymeri Mauclerc, **4** c'est à *ssaver*: la roche e les ^{\4} vignes e les terres e les cens e les ylles, à cent souz de rente touz anz en *moneie* corant à estre renduz aus dites religiouses e à lor suc^{\5}cessors dou dit Pierres e de ses heirs d'oremes en avant chacun an ou jor de Karesme *prenant*; **5** tout en outre, le doaire à la femme Savari ^{\6} des Coudreaus. **6** Aus *queus* cent souz de rente rendre checun an aus dites religiouses, si *comme* devant est dit, e à les aquiter dou dit doai^{\7}re, e aus dites chouses tenir en bon estat, **7** lor en a obligié le dit Pierres sey e ses heirs e touz ses biens, mobles e *non* mobles, *presenz* e à venir, ^{\8} ou que is seyent, especiaument e *expressement*. **8** E a i renucié, *quant* en cest fet, le dit Pierres, por sey e por ses heirs, à tout dreit escrit e *non* escrit e à tout ^{\9} *privilege* de croiz *expressement* e à tout autre *privilege* doné e à doner e à toute coutume de *terre* e à tout usage e à toute excepcion de lesion e de ^{\10} *cevance* en fet e à toutes autres excepcions avenues e à avenir. **9** E de tout ce desus dit *porfere* e *enteriner* e tenir e garder e de *non* venir encontre, d'o^{\11}re mes en avant, *por* sey ne *por* autre *por* aucune reson, est tenu le dit Pierres *par* la foy de son cors donee en nostre main. **10** E en a esté jugié e condempné, *pre*^{\12}sent e consentant, *par* le jugement de nostre cort; **11** sometant, *quant* en cest fet, sey e ses biens à nostre juridicion. **12** Ce fut doné à Saumur le jor de vendre^{\13}di emprés le diemenche *que* l'en chante **13** invocavit me, **14** l'an de *grace* mil

dous cenx quatre vinz e diz.